

永樂大典

卷八千九百八十

永樂大典卷之八千九百八十

二十九

五代周

事林廣記

周

五代

郭威邢州光山人仕漢為相

柴本姓柴太祖養子奉道

宗訓宗長子七歲即位

周傳統圖

太祖

密使漢帝隱帝遇弒遂即位都汴京立三年崩

世宗

制即位六年然曆數有歸故降年不永

恭帝

六月禪位於宋大封王鄭周禮

永樂大典卷八千九百八十一

一

太祖

五代史周本紀太祖聖神恭肅文武孝皇帝姓郭氏邢州充山人也父簡事晉為順州刺史劉仁恭攻破順州簡見殺于威

少孫依洛州人常氏洛州留後李繼韜募勇敢士為軍卒歲年十八以勇力應募為人眉氣好使酒繼韜持奇之威嘗游于市市有屠者常以勇服其市人威醉呼屠者使連凡割肉割不如法叱之屠者披其腹示之曰爾勇者能殺我乎威即前取刀刺殺之一市皆驚威頗自如為史所執繼韜惜其勇陰縱之使亡已而復召置麾下繼韜叛晉附于梁後莊宗滅梁繼韜誅死其麾下兵悉隸從馬直威以通書算補為軍吏好讀聞外春秋畧知兵法後為侍衛軍史漢高祖為侍衛親軍都虞候尤親愛之後高祖所臨鎮嘗以威從契丹滅晉漢高祖起兵太原即皇帝位拜威樞密副使乾祐元年正月高祖疾大漸以威託威及史弘肇等隱帝即位拜威樞密使是歲三月河中李守貞永興趙思贍鳳翔王景崇相次反隱帝遣白文珂郭從義常恩等分討之久皆無功隱帝謂威曰吾欲煩公可乎威對曰臣不敢請亦不敢辭惟陛下命乃加拜威同中書門下平章事使西督諸將威居軍中延見賓客褒衣博帶及臨陣行營幅中短後與士卒無異上所賜于與諸將會射恣其所飲其餘悉以分賜士卒將士皆懽樂威至河

永樂大典卷八千九百八

二

中自柵其城東思柵其南又珂柵其西調五縣丁二萬人築連壘以護三柵諸將皆以謂守貞窮寇破在旦夕不宜勞人如此威不聽已而守貞數出兵擊壞連壘威報補之守貞報復出擊每出必有亡矢父之城中共食俱盡威曰可矣乃治攻具為期日四面攻之破其羅城守貞與妻子自焚死思贍景崇相次降隱帝勞威以玉帶加檢校太師兼侍中威辭曰臣事先帝見功臣多矣未嘗以玉帶賜之因言臣幸得平行伍假漢威靈以破賊者豈特臣之功皆將相之賢有以安朝廷撫內外而饋餉以時故臣得以專事征伐隱帝以威為賢於是悉召楊邠史弘肇蘇逢吉為珪寶貞圖王章等皆賜以玉帶威乃受又推功大臣請加爵賞於是加貞圖司空逢吉司徒高珪都左右僕射已而又曰此特漢廷親近之臣耳漢諸宗室天下方鎮外暨荆浙湖南皆未及也由是濫賞遍于天下是冬契丹寇邊威以樞密使北伐至魏州契丹避三年二月師還四月拜威鄴都留守天雄軍節度使仍以樞密使之鎮宰相蘇逢吉以謂樞密使不可以藩鎮兼領與史弘肇等因爭久之華以樞密使行詔河北諸州皆聽威節度隱帝與李業等謀已殺史弘肇等詔鎮寧軍節度使李弘義殺侍衛步軍指揮使王殷于澶州又詔侍衛馬軍指揮使郭崇毅威及宣徽使王峻于魏詔書

先王澶州弘義恐事不果反以詔書示彼彼與弘義遣人告威已而詔威
威峻使者亦馳騎至威臣詔書召樞密院史魏仁滿謀於計內仁滿勸威
反威威倒用留守即更為詔書詔威誅諸將校以激怒之將校皆憤然效
用十一月丁丑威遣舉兵渡河隱帝遣關封尹侯益保大軍節度使張彥
超客省使閻晉卿等率兵拒威又遣內養驚脫曉威所驚驚脫為威所得
威乃附脫奏請縛彥超等送軍中隱帝得威奏以示彥超等皆言威反
狀已白乃悉誅威家屬于京師庚辰威至滑州義成軍節度使宋延進叛
于漢未辟壬午犯封丘甲申及秦軍軍節度使慕容彥超殺于劉子儀彥
超敗奔于兗州郭允明反弒隱帝于趙村丙戌威入京師燬火大掠戊子
率百官朝太后于明德門請立嗣君太后下令文武百寮六軍將校議擇
賢明以承大統庚寅威率百官詣明德門請立秦軍軍節度使贊為嗣遣
太師馮道迎贊于徐州辛卯請太后臨朝聽政以王峻為樞密使翰林學
士尚書兵部侍郎范質為副使十二月甲午朔威止戍契丹軍于滑州癸
丑至澶州而旋王峻遣郭崇以騎兵七百逆劉贊于宋州殺之其將單延
美楊溫為贊守徐州戊午次阜門漢宰相實貞固蘇禹珪未勒進庚申太
后崩以威監國 廣順元年春正月丁卯皇帝即位大赦改元國號周已

永樂大典卷八千九百八十

已上漢太后尊號曰昭聖皇太后戊寅漢劉崇自立于太原其弟諸國
立皆絕而不書此書與其不居于周語在十四年諸論已卯馮道為中書
令二月辛酉西州回鶻使都督來于未契丹使表骨支來奏且寒食望祭
于蒲池備德併古名也丁巳尚書左丞田敏使于契丹回鶻使摩尼來三
月甲戌武寧軍節度使王彥超克徐州事見美楊溫不書元之語在皆併
夏四月甲午王夫人董氏為德妃五月辛未追尊祖考為皇帝妣為皇后
高祖諱曰睿和廟號信祖祖妣張氏諱曰睿恭曾祖諱曰明憲廟號
僖祖祖妣申氏諱曰明孝祖諱曰真順廟號義祖祖妣韓氏諱曰真敬
考諱曰章爾廟號慶祖妣王氏諱曰章德六月辛亥范質及戶部侍郎判
三司事穀為中書侍郎同中書門下平章事實貞固蘇禹珪羅彥昂范質
參知樞密院事丁巳宣徽北院使崔光鄭為樞密副使秋七月戊寅辛丑
峻第八月壬寅契丹來歸趙瑩之喪冬十月丙午漢人來討詳加有罪漢
之於周其所討攻自晉州云自晉州者見漢兵嘗誅罪人于京師自晉
州而入平攻城無得火不書此書者詳漢未討十一月王峻及建雄軍節
度使王彥超拒之十二月慕容彥超反二年春正月甲子侍衛步軍都
指揮使曹英為兗州行營都部署庚午高廉王昭使其廣評侍郎徐達卷

永樂大典

卷八九八〇

二月庚寅府州防禦使折德泰克奇嵐軍。三月丁巳朔寒食。望祭于鄧戊辰。內客省使鄭仁誨為樞密副使。崔光毅罷。夏五月庚申東征。尊教留守東都鄭仁誨為大內都點校。癸亥。次曹州。赦流罪以下囚。乙亥克兗州。方起。北井。各故。不書。伏。珠。壬午。赦兗州。六月乙酉朔。幸曲阜祠孔子。庚子。至自兗州。秋九月乙丑。太僕少卿王演使于高麗。契丹寇邊。三年春正月乙卯。麟州刺史楊重訓叛于漢。未附。閏月丙戌。回鶻使獨呈相溫來。二月甲子。貶王峻為商州司馬。三月甲申。封榮為晉王。不書于者。榮於禮不得為子。不書于則當書其本姓。又不書者。周人所共諱。丙戌。鄭仁誨罷。己丑。麟州團練使王仁鎬為右衛大將軍。樞密副使夏六月大雨。水。秋七月。契丹盧臺軍使張徽。英未奔。九月吐渾党富達等來。冬十月庚申。馮道為奉迎神主使。十一月癸未。党項使吳帖磨五等來。十二月戊申。四廟神主。至自西京。迎之于西郊。祔于太廟。壬申。發天樞軍節度使王殷。乙亥。享于太廟。顯德元年春正月丙子。朔有事于南郊。大赦。改元。群臣上尊號曰聖明文武仁德皇帝。戊寅。罷鄆都。丙戌。鎮寧軍節度使鄭仁誨為樞密使。壬辰。端明殿學士戶部侍郎王溥為中書侍郎同中書門下平章事。至仁鎬罷。是日皇帝崩于滋德殿。年五十二。首是日。連上文。無無。五代史記。

永樂大典卷八千九百八十

四

纂錄 太祖聖神恭簡文武皇帝 今按世宗紀 太祖聖神文武恭肅皇帝 帝二者不同 未如孰是 甲辰 及泰寧軍節度使慕容彥超 戰于劉子波 今按德帝紀 乃是甲申 其辰字誤也 五代薛史 太祖皇帝紀 太祖聖神恭肅文武孝皇帝 姓郭氏 諱感 字仲文 邢州先山人也 或云本常氏之子 幼隨母適郭氏 故冒其姓 焉 高祖諱瑒 廣順初 追尊為睿和皇帝 廟號信祖 陵曰溫陵 高祖妣張氏 道謚齊恭皇后 曾祖諱諶 漢贈太保 追尊為明憲皇帝 廟號僖祖 陵曰齊陵 曾祖妣鄭國夫人 中氏 道謚明孝皇后 祖諱蘊 漢贈太傅 追尊為真順皇帝 廟號義祖 陵曰節陵 祖妣陳國夫人 韓氏 道謚真敬皇后 皇考諱簡 漢贈太師 追尊為章肅皇帝 廟號慶祖 陵曰欽陵 皇妣燕國夫人 王氏 道謚為章德皇后 后以唐天祐元年甲子歲 七月二十八日生帝於先山之舊宅 載誕之日 赤光照室 有聲如燼炭之裂 星火四迸 帝生三歲 家徙太原 居無何 皇考為燕軍所陷 殒於王事 帝未及韶 亂章德太后 垂世 姨母楚國夫人 韓氏 提携鞠養 及長 形神魁壯 趣向奇 愛兵好勇 不事田產 天祐末 潞州節度使李嗣昭 常山戰殒 于繼韜自稱 留後 南結梁朝 據城阻命 乃散金以募豪傑 帝時年十八 避史克 關 依故人常氏 遠往應募 帝眉氣用剛 好聞多力 繼韜奇之 或踰法犯禁 亦多假

借為膏遊上黨市有市屠壯健眾所畏憚帝以氣凌之因醉命屠割肉小
 不如意叱之屠者怒坦腹謂帝曰爾敢刺我否帝即傳其腹帝人執之屠
 吏懼相惜而逸之其年莊宗平梁繼韜伏誅麾下牙兵配從焉直帝在籍
 中時年二十一帝性聰敏善筆劃及從軍旅多閱簿書軍志戎政深窮祭
 肯人皆服其敏嘗省義兄李瓊瓊方讀周外春秋即取視之曰論兵也先
 其教我即授之深通義理天成初明宗幸浚郊時未守殷嬰城拒命帝從
 晉高祖一軍率先登城晉祖領副侍衛以帝長於書計召置麾下令掌軍
 籍前後將臣無不倚愛初聖穆皇后敕氏媼于帝帝方匱乏而后多貨從
 帝常晝寢有小寇五色出入顧鼻之間后遽見愕然在太原時有神尼與
 帝同姓見帝謂李瓊曰我宗天上大仙頂上有肉角當為世界主清泰春
 晉祖起于河東時河陽節度使張彥琪為侍衛步軍督指揮使奉命北伐
 帝從之營於晉祠是時屋壞同處數人俱斃唯帝獨無所傷漢高祖為侍
 衛馬步都虞侯召置左右所居官舍之鄰吳氏有青衣住娘者為山魃所
 魅鬼能人言而投瓦石鄰伍無敢過吳氏之舍者帝過之其鬼寂然帝去
 如故如是者再或謂鬼曰爾既神向者客來又何寂然鬼曰彼大人也錄
 是軍中異之范延光叛于魏命楊光遠討之帝嘗行意不願從或謂帝曰

水樂集卷八十九百十

楊公當朝重勳子不欲從何也帝曰楊公素無英雄氣待我何用能用我
 其劉公乎漢祖累鎮藩閫皆從之及鎮并門尤深待遇出入帷幄受腹心
 之寄帝亦悉心竭力無知不為及吐渾白可久叛入契丹帝勸漢祖誅白
 承福等五族得良馬數千匹財貨百萬計以資軍用開運末契丹犯關晉
 帝北遷帝與蘇逢吉楊郃史弘肇等勸漢祖建號以副人望漢高祖即位
 晉陽時百度草創四方猶梗經綸締構帝有力焉授權樞密副使檢校司
 使漢高祖至汴正授樞密副使檢校太保乾祐元年春漢高祖不豫及大
 漸與蘇逢吉等同受顧命帝嗣位拜樞密使加檢校太尉舊制樞密使
 未加使相者不宜麻制至是宣之自帝之始也有頃河中李守貞據城反
 朝廷憂之諸大臣共議進取之計史弘肇曰守貞河陽一客司耳竟何能
 為帝曰守貞雖不習戎行然善接英豪得人死力亦勦敵也宜審料之乃
 命白文珂常恩率兵攻取師未至而趙思綰竊據永興王景崇反狀亦露
 朝廷遣郭從義王峻討趙思綰七月西面師徒大集未幾進取其月十三
 日制授帝同平章事即遣西征以安慰招撫為名詔西面諸軍並取帝節
 度時論以白文珂常恩非守貞之敵聞帝西行群情大懼八月六日帝發
 離京師二十日師至河中命白文珂營於河西帝營於河東不數日周護

長整復募長連城以迫之帝在軍居常接賓客與大將譙語即褒衣博帶
或遇巡城壘對陣敵幅巾短後與衆無殊臨矢石冒鋒刃必以身先與士
伍分甘共苦稍立功勳者厚其賜與微有傷疾者親自循撫士無賢不肖
有所陳啓溫顏以接之得盡其情人之過忤未嘗介意故君子小人皆思
効用守貞剛之深以為憂十二月帝以蜀軍屯大散關即親率牙兵往鳳
翔永興相度將發謂白文珂劉詞曰固歎猶聞當謹備之帝至華州聞蜀
軍退敗還還二年正月五日夜李守貞遣將王三鐵領千餘人夜突河西
若果為劉詞等力戰敗之先是軍中禁酒帝有愛將李審犯令斬之以徇
五月九日敗河西若主周光遜以若及部衆千餘人未降十七日下令攻
城會西北大風揚沙晦瞑帝令禱河伯祠莫訖而風止自是晝夜攻之七
月十三日帝率三若將士奪賊羅城二十一日城陷守貞舉家自焚而死
帝前夢河神告曰七月下旬上帝當滅守貞之族至是收復賊壘城中人
言見帝營上有紫氣如樓閣華蓋之狀二年八月五日日帝自河中班師其
月二十七日入朝漢帝命昇階撫勞酌御酒以賜之錫眷優厚翌日漢帝
議賞勳欲兼方鎮帝辭之乃止帝以出征時廳子都七十三人具籍獻之
九月五日制加檢校太師兼侍中十月契丹入寇前鋒至邢洛見魏河北

永樂大典卷八千九百十

吉急帝受詔率師赴北邊以宣徽南院使王峻為監軍其月十九日帝至
邢州遣王峻前軍趨鎮定時虜已退帝大閱欲臨寇境詔止之三年二月
班師三月十七日制授鄴都留守樞密使如故時漢帝以北戎為患委帝
以河朔之任宰相蘇逢吉等議藩臣無無樞密使列史弘肇以帝受任之
重苟不無密務則難以便宜從事竟從弘肇之議詔河北諸州凡事一稟
帝節度帝將北行啓漢帝曰陛下富有春秋萬機之事宜審於聽斷文武
大臣乃心王室凡事諮詢即無敗失漢帝飲容謝之帝至鄴盡去煩弊之
事不數月間政有序一方晏然詔書褒美一夕在山亭院齋中忽有黃氣
起於前上際於天帝於黃氣中見星文紫微文昌爛然在目既而告知星
者曰予於室中見天象不具異乎對曰坐見天衛物不能隔至貴之祥也
異日又於牙著中有紫氣起於樞罕龍首之上凡三日十一月十四日遣
州節度使李洪義侍衛步軍都指揮使王殷遣澶州副使陳光穗至鄴都
報京師有變是月十三日且群小等害史弘肇等前一夕李業等遣腹心
賁密詔至澶州令李洪義杖王殷又令護聖左廂都指揮使郭崇等害帝
于鄴城十三日洪義受得密詔恐事不濟乃以密詔示王殷殷與洪義即
遣陳光穗馳報於帝十四日帝方與宣徽使王峻坐議邊事忽得洪義文

永樂大典

字遽歸牙署峻亦未知其事帝初知楊史諸公被誅神情惘然又見移禍及已伸訴無所即集三軍將校諭之曰予從微至著輔佐國家先皇登遐親受顧託真揚史諸公殫歷經謀忘寢與食一旦無狀盡已誅夷今有詔來取予首級爾等宜奉行詔旨斷予首以報天子各圖功業且不累諸君也崇等與諸將校泣於前言曰此事必非聖意即是左右小人誣罔竊發假令此輩握重柄國得安乎足恃援論以判忠佞何事信單車之使而自棄十載之下空受惡名崇等願從明公入朝面自洗雪除君側之惡共竣天下不然之遂請帝南行帝即嚴駕首途十六日至澶州王敏迎謁慟哭時隱帝遣小豎驚脫領鄴軍所在為游騎所執帝即遣迴令附奏隱帝赴關之由仍以密奏置驚脫水領中奏曰臣發迹寒賤遭遇聖明既富且貴實過平生之望唯思報國敢有他圖今奉詔命忽令郭崇等殺臣即時俟死而諸軍不肯行刑逼臣赴關令臣請罪上前仍言致有此事必是陛下左右譖臣耳今驚脫服至此天假其便得伸臣心三五日當及關朝陛下若以臣有欺天之罪臣豈敢惜死若實有譖臣者乞陛下縛送軍前以快三軍之意則臣雖死無恨今託驚脫附奏以聞十七日帝至滑州節度使宋延渥開門迎納帝將發滑臺召將士謂之曰主上為讒邪所惑誅殺勳

永樂大典卷九百十

七

臣善之此卷事不獲已然則以臣非君軍論曲直汝等家在京師不如奉行前說我以一死謝天子實無所恨將校前啓曰國家負公公不負國請公速行無宜遲久安邦雪惡正在此時既而王峻諭軍曰我得公處分俟平定京城許爾等旬日剽掠衆皆踊躍十九日隱帝遣左神武統軍索義前鄆州節度使劉重進率禁軍來拒與前開封尹侯益等屯赤峒是夜俱退二十日隱帝整陣於劉子陂二十一日兩陣俱列慕容彥超率軍擊帝遣何福進王彥超等為大合騎以來之慕容彥超退却死者百餘人於是南軍勇氣稍稍奔於北軍慕容彥超與數十騎來奔兗州吳皮裕張彥超等相繼來見帝是夜侯益焦繼勳潛至帝營帝慰勞遣還二十二日早郭允明弒漢隱帝於北郊初官軍之敗帝謂宋延渥曰爾國親可速往衛主上無附奏請陛下得使速奔臣未見為左右所圖及延渥至亂兵雲合即惶駭而還是旦帝望見天子旌旗於高坡之上謂隱帝在其下既見宵釋馬而前左右慮有不測請帝止帝泣曰吾君在此又何憂也及至前隱帝已去矣帝歎歎久之俄聞隱帝過弒號慟不已帝至玄化門劉錫兩射城外帝迴車自迎春門入諸軍大掠煙火四發帝止於舊第何福進以部下兵守明德門翌日王殷郭崇言曰若不止剽掠此夜化為空

永樂大典

卷八九八〇

城耳。由是諸將部分新其剝者。至捕乃定。帝與王峻請太后宮起居。請立嗣君。乃以高祖姪徐州節度使贊入繼大統。語在漢紀。二十七日。帝以嗣君未立。請太后臨朝。會鎮定州。馳奏契丹入寇。河北諸州告急。太后命帝北征。十二月一日。帝發離京師。四日至滑州。駐馬數日。會湘陰公遣使慰勞諸將。受宣之際。相顧不拜。皆竊言曰。我輩陷京師。各各負罪。若劉氏復立。則無種矣。或有以其言告帝者。帝愕然。即時遣還。十六日。至澶州。是日。旭日。道有紫氣。來當帝之馬首。十九日。下令諸軍進發。二十日。諸軍將士大譟。趨驛如墻而進。帝閉門拒之。軍士登墻越屋而入。請帝為天子。亂軍山積。登階。臣陸扶抱擁迫。或有裂黃旗以被帝體。以代赭袍。山呼震地。帝在萬眾之中。聲氣沮喪。問絕數四。左右親衛星散。竄匿。帝即登城樓。稍得安。急諸軍。遂擁帝南行。時河水初解。浮梁未構。是夜北風凜烈。比旦。冰堅可渡。諸軍遂濟。泉謂之凌橋。濟竟水泮。時人異之。時湘陰公已駐宋州。樞密使王峻在京聞澶州之變。遣侍衛馬軍指揮使郭崇率七百騎赴宋州。以衛湘陰公。二十五日。帝至七里店。群臣謁見。遂營於車門村。二十七日。漢太后今日。樞密使侍中郭諱以吳武之才。兼內外之任。剪除禍亂。弘濟艱難。功業格天。人望冠世。今則軍民受戴。朝野推崇。宜總萬機。以允群

永樂大典卷八九八〇

八

議可監國中外庶事。是取監國處分。二十八日。監國教曰。寡人出自軍戎。本無德望。因緣際會。叨竊寵靈。高祖皇帝甫在。經綸待之心腹。洎登大位。尋付重權。當顧命之時。受恩死之寄。與諸勳舊。輔立嗣君。旋屬三叛。連衡四郊。多壘。謬膺朝旨。妾以專征。兼守重蕃。俾當勅敵。敢不橫身戮力。竭節盡心。其肅靜於疆場。用保安於宗祔。不謂姦邪。搆亂將相。連誅寡人。偶脫鋒鏑。克平患難。志安劉氏。願報漢恩。惟擇長君。以紹丕構。遂奉太后。請立徐州相公。奉迎已在。於道。遂行。事未及於都。輦尋以北。而事急。戎狄深侵。遂領師徒。徑往掩。蘇行。次近鎮。已渡洪河。十二月二十日。將登澶州軍情。忽變。旌旗倒指。賊叫。連天。引袂牽襟。迫請為主。環繞而逃。避無所。紛紜而適。有愈。堅項。列之間。安危莫保。事不獲已。須至。徇從。於是馬步諸軍。擁至京闕。奉太后。誥旨。以時運艱危。機務難曠。俾令監國。避無由。僥倖。道承夙夜。憂愧。云。時文武百官。內外將帥。藩臣郡守。等相繼上表。勸進。三十日夜。御營西北隅。步軍將校。因醉。揚言。昨澶州馬軍。扶策。步人。今欲武。篡奪。今。虞。候。詰。其。姓。名。味。且。擒。而。斬。之。其。一。軍。仍。納。甲。仗。遣。中。使。監。送。就。糧。所。廣。順。元。年。春。正。月。丁。卯。漢。太。后。誥。曰。遂。古。已。未。受。命。相。繼。是。不。一。姓。傳。諸。百。王。莫。不。人。心。順。之。則。興。夫。命。去。之。則。廢。昭。然。事。迹。著。在。典。書。予。否。運。

所丁。遭家不造，姦邪構亂，朋黨橫行，大臣冤枉，以被誅少主蒼卒，而及禍人自作孽，天道寧論。監國諱深，念漢恩切，安劉氏既平，亂略復正，顏綱思國，護於基為，擇繼嗣於宗室，而獄訟盡歸於西伯，詭謠不在於才，亦六師竭，推戴之誠，萬國仰欽，明之德，非革斯契，圖錄有歸，予作家國，以為幸。今奉符寶，授監國可即皇帝位，於戲！天祿在躬，神器自至，允集天命，永綏兆民，敬之哉！是日帝自阜門入，大內御崇元殿，即皇帝位，制曰：自古受命之君，興邦建統，莫不上符天意，下順人心，是以夏德既衰，爰啟有商之祚，夷風不競，肇開皇魏之基，朕早事前朝，久居重位，受遺輔政，敢忘伊霍之忠，仗誠臨戎，復委韓彭之任，匪躬盡瘁，焦思勞心，討叛換於河潼，張聲援於岐雍，竟平大慙，粗立微勞，纒旋旆於關西，尋統兵於河朔，訓齊師旅，國護邊陲，只將身許國家，不以賊遺君父，外憂少息，內惠俄生，群小連謀，大巨遇害，棟梁既壞，社稷將傾，朕方在藩維，以遺讓，撰一主於萬死，徑赴闕庭，泉四罪於九衢，幸安區宇，將延漢祚，擇立劉宗，微命已行，軍情忽變，朕以東原所迫，逃避無由，挾擁至京，尊戴為主，重以中外勸進，方岳推崇，僥倖雖順於群心，臨御實慙於涼德，改元建統，祗率於舊章，革故鼎新，宜專於濬澤，朕本姬室之遠裔，就叔之後昆，積慶累功，格天先表，威德既延

永樂大典卷八千九百八十

於百世，大命復集於眇躬，今建國宜以大周為號，可改漢乾祐四年為廣順元年，自正月五日昧爽已前，應天下罪人常赦所不原者，咸赦除之。故樞密使楊邠、侍衛都指揮使史弘肇、三司使王章等，以勞定國，盡節致君，千載逢時，一旦同命，悲感行路，憤結重泉，雖尋雪於沈寃，宜更伸於漏澤，並可加等追贈，備禮歸葬，事官給仍訪于孫，叙用其餘，同遭枉害者，亦與追贈，馬步諸軍將士等，戮力叶誠，輸忠効義，先則平特，內難後乃推戴，朕躬言念勲勞，所宜旌賞，其原選將士等各與等第，超加恩命，仍賜功臣名號，已帶功臣者，別與改賜，應左降官未量移者，與量移已量移者，與復資已復資者，量加叙錄，亡官失爵之人，宜與齒用，配流徒役人，並許放還，諸處有犯罪逃亡之人，及山林草寇等，一切不問，如故到後一月不歸本業者，復罪如初，內外前任見任文武官寮，敘任官各與加恩，應在朝文武臣寮，內諸司使諸道行軍副使，藩方兩步都指揮使，如父母在，未有恩澤者，即與恩澤，已有者，更與恩澤，如亡沒，未曾追封贈者，亦與封贈，已封贈者，更與封贈，應天下州縣所欠乾祐元年二年已前夏秋錢稅及沿徵物色，并三年夏秋諸色錢欠，並與除放，應州已來官路兩邊共二十里內，并乾祐三年錢稅欠稅，並與除放，應河北沿邊州縣自去平九月後，未曾經

契丹蹂躪處其人戶應大乾祐三年終已前積年殘欠諸色稅物並與除放應係三司主持錢穀敗闕場院官取乾祐元年終已前徵納外灼然無抵當者委三司分拈開奏天下倉場庫務宜令節度使專切鈐轄掌納官吏一依省條指揮不得別納糾餘耗舊未所進羨餘物色今後一切停罷應乘輿服御之物不得過為華飾宮闈器用務從朴素太官常膳一切減損諸道所有進奉比助軍國之費其珍巧織華及奇禽異獸鷹犬之類不在輒有獻貢諸無用之物不急之務並宜停罷帝王之道德化為先崇飾虛名朕所不取苟致治之本洽雖多端以美為今後諸道所有祥瑞不得輒有奏獻古者用刑本期止辟今茲作法義切禁非蓋承弊之時非猛則姦克難制及知勸之後在寬則典憲得宜相時而行庶臻中道今後應犯竊盜賊贓及和姦者並依晉天福元年已前條制施行應諸犯罪人等除反逆罪外其罪並不得籍沒家產誅及骨肉一依格令處分天下諸侯皆有親自可慎擇委任必當克劾參伴朝庭選差理或末當宜矯前失庶叶通規其先於在京諸司差軍將充諸州郡元從都押衙孔目官內知客等並可停廢仍勅却還舊處職使近代帝王陵寢合禁禁採唐莊宗明宗晉高祖各置守陵十戶以近陵人戶充漢高祖皇帝陵署職自及守宮人

時日為饗并守陵人戶等一切如故仍以晉漢之冑為二王後委中書門下處分云司天上言今國家建號以木德代水准經法國以姓基為臘請以木日為臘從之時宜議者曰昔武王勝殷歲集于房國家受命金木集于房文王厄夷里而卦遇明夷帝脫于鄴大衍之數復得明夷則周為國號符於文武矣先是丁未平夏六月土金木火四星聚于張占者云當有帝王興于周者故漢祖建國由平陽陝服趨洛陽以應之及隱帝將嗣位封周王以符其事而帝以姬號之冑後繼宗周而天人之契炳然矣昔武王以木德王天下宇文周亦承木德而三朝皆以木代水不其異乎戊辰前曹州防禦使何福遣受宣權許州節度使前復州防禦使王彥超受宣權徐州節度使前澶州節度使李洪義受宣權宋州節度使已已上漢太后尊號曰昭聖皇太后是日詔有司擇日為改主發哀幸未有司上言皇帝為故主舉哀日服縞素直領深衣腰經等成服畢祭奠不視朝七日坊市禁音樂文武內外臣寮成服後每日赴太平宮臨三日止七日釋服至山陵啓殯塗日服初服輜車出城班解服從之壬申前博州刺史李筠受宣權滑州節度使蔡面樞密使檢校太傅王峻加同平章以前澶州節度使李洪義為宋州節度使加同平章事以滑州節度使副陳觀為左散

騎常侍都留守判官王溥為左諫議大夫並充樞密院直學士以充從
都押衙鄭仁誨為客省使知客押牙向訓為宮苑使北京留守劉崇遣押
牙管致書求劉贊歸藩帝報曰朕在澶州之時軍情推戴之際先差來真
省李光美備見必想其言而况避過所聞在後盡當知悉湘陰公比在宋
州駐泊見今般取赴京但勿憂疑必令得所惟公在彼固請安心若能回
力扶持別無顧慮即當使封王爵永鎮北門鐵契丹書必無愛惜其諸情
素並令來人口宣遣十牛衛將軍來憲充入契丹使先是去年契丹永康
王元欲寇邢趙陷內丘及迴元欲遣使與漢德帝書使至境上會朝廷有
蕭牆之變帝定京城迴元遣使至遂與入朝至是遣來憲伴送來
使歸蕃兼致書叙革命之由仍以金酒器一副玉帶一遺元欲晉州節度
使王晏棧行軍司馬徐達以通河東間乙亥鄂州節度使守太師兼中書
令齊王高行周遣位尚書令襄州節度使檢校太師守太傅兼中書令齊
國公安審琦遣封南陽王青州節度使檢校太師守太保兼中書令魏國
公符存卯遣封淮陽王夔州節度使侍衛親軍馬步軍都指揮使檢校太
傅王殷加同平章事充都留守典軍如故丙子帝赴太平宮為漢隱帝
發百官倍位如儀是日湘陰公元從右都押牙輩送美教練使楊溫等據

永樂大典卷八千九百十

十一

徐州以拒命帝遣新受節度使王彥超率岳馳赴之仍賜延美等勅書丁
未荆南高保融奏去年十一月朔州節度使馬希範破潭州早二月十八
日繼殺馬希範至十九日希範自稱天策上將軍武平靜江寧遠等軍節度
使嗣楚王茂實湘陰公璵已卯以前太師齊國公馮道為中書令弘文館
大學士以司徒兼門下侍郎同平章事弘文館大學士實員因為侍中監
脩國史以左僕射平章事集賢殿大學士蘇禹珪為守司空平章事夏州節
度使李彝興遣封隴西郡王荆南高保融遣封渤海郡王靈武馮暉遣封
陳留郡王西京白文珂兗州慕容彥超鳳翔趙暉並加兼中書令詔王彥
超率兵攻徐州庚辰故樞密使左僕射平章事楊邠遣封恒農郡王故宋
州節度使兼侍衛親軍都指揮使史弘肇遣封鄆王故三司使檢校太尉
平章事王章遣封瑯琊郡王是日詔曰朕以眇末之身託於王公之上慚
德弗類撫躬靡遠豈可化未及人而過自奉養道未方古而不知節量與
其耗費以勞人易若儉約而克已昨者所頒敕令已達至懷官闈服御之
所須悉從減損珍巧織奇之厥貢並使寢停尚有未駭再宜條舉應天下
州府皆貢滋味食饌之物所宜除減其兩浙進細酒海味薑瓜胡南杭子
茶乳糖白沙糖橄欖子鎮州高公米水梨易定菓子河東白社梨米粉蕞

永樂大典

卷八九八〇

五粉玉屑執子麵永興御田紅杭米新大麥麵興平蘇菓子華州麝香粉
羊角熊膽懶肝木梓熊白河中樹紅菓五味子輕錫尚州石鐵餅晉絳節
荀黃消梨陝府鳳栖梨襄州紫薑新節子安州折親米糟味青州水糖
河陽諸雜菓子許州御菓子鄭州新節搗梨懷州寒食杏仁中州菓荷莖
州草解汾淮州郡淮白魚如聞此等之物雖出於土產亦有取於民家未
免勞煩率皆廢費加之刀役負荷馳驅道途積於有司之中甚為無用之
物今後並不須進奉諸州府更有舊例所進食味其未該者宜奏取進止
又詔在朝文武百僚各上封事凡有益國利民之事速具以聞辛巳鎮州
武行德晉州王晏相州張彥成潞州常思邈邠州侯章並加兼侍中以侍衛
馬軍都指揮使果州防禦使檢校太保郭崇為洋州節度使檢校太傅典
軍如故以侍衛步軍都指揮使岳州防禦使曹英為利州節度使檢校太
傅典軍如故蔡未涇州文懿延州高允權滄州王景永興郭從義定州孫
方簡並加兼侍中鄜州楊信同州薛懷讓貝州王繼弘並加同平章事乙
酉華州王饒河中危彥珂鄜州折從阮邢州劉詞並加同平章事丙戌辛
酉在潞州奏侍石會關使王延美報何東劉崇於正月十六日僭號丁亥
以前澶州節度使李洪義為宋州節度使加同平章事以曹州防禦使北

永樂大典卷九百八

十二

面行營馬步都排陣使何福進為許州節度使加檢校太傅以博州刺史
北面行營右廂排陣使李筠為滑州節度使加檢校太保戊子有司上言
准赦書以晉漢之冑為二王後其唐五廟仲祀合廢從之庚寅宗正寺奏
請依晉漢故事遷漢七廟神主入昇平宮行仲享之禮以漢宗子為三獻
從之廣順元年春三月癸巳朔以樞密副使尚書戶部侍郎范質為兵
部侍郎依前充職以陳州刺史判三司事較為戶部侍郎判三司以右金
吾大將軍充衛使崔光毅為左千牛衛上將軍充宣徽北院使以宣徽北
院使袁義為左武衛上將軍充宣徽南院使以左右金吾大將軍充衛使
符彥琳為右監門上將軍丁酉以皇子天雄軍牙內都指揮使檢校右僕
射貴州刺史榮起為澶州節度使檢校太保以右金吾上將軍薛可奇為右
龍武統軍以左神武統軍安審約為左羽林統軍以左驍衛上將軍趙贊
為右羽林統軍以太子太師致仕宋彥筠為左衛上將軍詔移生吐渾族
帳於潞州長子縣江猪嶺已亥左武衛上將軍劉遵疑為左神武統軍以
左衛上將軍焦繼勳為右神武統軍以左領軍衛上將軍史佺為右衛上
將軍庚子故吳國夫人張氏追贈貴妃故皇弟三女追封慈安公主故弟
二子青哥贈太保賜名侗第三子意哥贈司空賜名信故長婦劉氏追封

彭城郡夫人皇姓三人守筠贈左領軍將軍改名應奉趙贈左監門將軍
 定哥贈左十牛衛將軍賜名避故皇孫三人宜哥贈左驍衛大將軍賜名
 誼喜哥贈武衛大將軍賜名誠三哥贈左領衛大將軍賜名誠辛丑西州
 回鶻遣使貢方物前開封尹曹國公侯益遣封楚國公前西京留守曹國
 公李從敏進封秦國公前西京留守王守恩遣封莒國公癸卯以前中書
 侍郎兼戶部尚書平章事李濟為太子賓客詔宣徽南院使袁義權知開
 封府事以太子太保和凝為太子太傅丙午晉州王晏奏河東劉崇遣偽
 招討使劉鈞招討使白截海率步騎萬餘人來攻州城以今月五日五
 道齊攻率州兵拒之賊軍傷死甚衆內出寶玉器及金銀結縷寶裝珠几
 飲食之具數十碎之於殿庭帝謂侍臣曰凡為帝王安用此仍詔所司凡
 珍華悅目之物不得入宮先是迴鶻間歲入貢禁民不得再蕃入市易寶
 貨至是一聽私便交易官不禁詰丁未左十牛將軍朱憲使契丹迴契丹
 主兀欲遣使表骨支獻良馬一駒質登極戊申詔曰朕祇膺景命奄有中
 區每思順物之情從衆之欲將使照臨之下咸遂寬舒仕官之流自安進
 退往者有司拘忌人或滯派所在前資並遣赴闕策教之下多寄食就舍
 之徒歲月之間動懷土念家之思宜循大體用革前規應諸道州府有前

永樂大典卷八千九百八

資朝官居住如未赴京不得廢違其行軍副使已下幕職州縣官等得替
 求官自有月限平月未滿一聽外居如非時詔徵不在此限已酉有司議
 立四親廟從之辛亥太子少傅楊凝式為太子少師以太常卿張昭為
 戶部尚書以尚書左丞王易為禮部尚書以兵部侍郎邊蔚為太常卿以
 翰林學士中書舍人魚崇諒為工部侍郎充職以戶部侍郎韋勳為兵部
 侍郎以刑部侍郎邊歸漢為戶部侍郎以禮部侍郎司徒詡為刑部侍郎
 以秘書監趙上交為禮部侍郎以兵部尚書王仁裕為太子少保以翰林
 學士禮部尚書張沆為刑部尚書充職以尚書右丞田敏為左丞以吏部
 侍郎改希充為工部尚書以太子詹事馬裔孫為太子賓客前鄜州節度
 使劉重進前滑州節度使宋延渥並加食邑吐渾府留後王金德加檢校
 太保充憲州刺史隰州刺史許遷奏河東賊軍劉筠自晉州引兵來攻州
 城奪以州兵拒之賊軍傷死者五百人信宿遁去丁巳以尚書左丞田敏
 充契丹國信使迴鶻遣使貢方物已未天德軍節度使魏國公郭勳加同
 平章事以前宗正卿劉暉為衛尉卿辛酉以衛尉卿邊光範為秘書監以
 前吏部侍郎李詳為吏部侍郎以前戶部侍郎顧衍為尚書右丞三月壬
 戌朔前西京留守李從敏卒戊辰以前左武衛上將李懷忠為太子太傅

致仕以前邢州節度使安審輝為太子太師致仕年未卒南莊壬申詔曰
諸州府先差散從親事官等前朝創置蓋出權宜苟使一時本非舊貫近
者通詢群議無採封章且言前件抽差於理不甚允當一則礙州縣之色
役一則妨春夏之耕耘貧乏者困於供須豪富者幸於影庇既為煩擾須
至改更况當東作之時宜罷不急之務其諸州所差散從親事官等並宜
放散詔下公私便之徐州行營都部署王彥超馳奏收復徐州城內逆首
楊溫及親近徒黨並處斬其餘無名目人及本城軍都將校職掌吏民等
雖被脅從本非同惡並釋放兼知自前楊溫招喚草賊同力守把朕以村
墅小民偶被扇誘念其庸賤特與含容其招入城草賊並放歸農仍倍加
安撫湘陰公夫人并骨肉在彼仰差人安撫守護勿令驚恐以右散騎常
侍張煦給事中王延篤並為左散騎常侍以前大名府少尹李瓊為將作
監以前彰武軍節度使周密為太子太師致仕以衡尉劉暉充漢德帝
山陵都部署丙子以太子少保致仕王延為太子少傅以戶部尚書致仕
盧損左驍衛上將軍致仕李肅並為太子少保兵部尚書致仕韓昭裔為
尚書右僕射太子太師致仕盧文紀為司空自延而下並依前致仕故散
騎常侍裴羽贈戶部尚書故太子賓客蕭愿贈禮部尚書以司農卿致仕

薛仁謙為鴻臚卿以將作監致仕烏昭為太府卿以太常少卿致仕王禧
為少府監以秘書少監致仕段顯為將作監自仁謙而下並宜前致仕詔
沿淮州縣軍鎮今後自守疆土不得縱一人一騎擅入淮南地分已卯潞
州奏涉縣所擒河東將士二百餘人部送赴闕詔給衫袴中履放歸本土
甲申鎮州武行德移鎮許州何福進移鎮鎮州丙戌以襄州節度副使郭
令圖為宗正卿詔曰故蘇達吉劉鍊項在漢朝與朕同事朕自平禍亂不
念仇讎尋亦優弘與全家屬尚以幼稚無託衣食是艱將行於邱之恩俾
獲生存之路報恩以德非我負人賜達吉骨肉洛京住宅各一賜劉鍊骨
肉陝州住宅各一已丑辛南莊唐故郟國公李從益追封許王廣明
宗徽妃王氏追贈賢妃辛卯詔諸道節度副使行軍司馬兩京少尹留守
判官兩並許差定當直人力不得過十五人諸府少尹書記支使防禦團
練副使不得過十人節度推官防禦團練軍事判官不得過七人逐處係
帳收管此外如數額外影占人戶其本官當行朝典先是漢德帝時有人
上言州府從事令錄皆請料錢自合雇人驅使不合差遣百姓丁戶乘政
者然之乃下詔州府從事令錄本處先差職役並放歸農自是官吏有獨
行趨府縣者帝頗知之故有是命夏四月壬辰朔詔沿淮州縣許淮南人

就淮北糶易糶糧時南饑故也甲午以夫人董氏為德妃仍令所司備禮册命已亥改侍衛馬步軍軍額為軍舊稱護聖今改為龍捷步軍舊稱奉國今改為虎捷武衛唐莊宗晉高祖三處陵寢各有守陵宮人並放逐使如願在陵所者依舊供給甲辰相州張彥威移鎮鄧州折從阮移鎮滑州滑州李筠移鎮相州丙午亳州防禦使王重喬卒戊申辛南莊庚戌皇弟四女封壽安宮主辛亥故許州節度使劉信追封蔡王丙辰詔曰牧守之任委遇非輕分憂之務既同制祿之數宜等自前有富庶之郡請給則優或邊遠之州俸料素薄以至遷除之際擬議亦難既論資叙之高低又慮祿秩之升降所宜分多益寡均利同惠莫無黨偏以勸勲効今定諸防禦使料錢二百貫祿粟一百石食鹽五石馬十四匹草粟元隨三十人衣糧團練使一百五十貫祿粟七十石鹽五石馬十四匹元隨三十人刺史一百貫祿粟五十石鹽五石馬五匹元隨二十人云丁巳尚書左丞田敏使契丹迴契丹主兀欲遣使實六報命并獻碧玉金塗銀表鞍勒各一副弓矢器仗紹表等土產馬三十匹土產漢馬十四匹庚申帝為故貴妃張氏舉哀於舊宮輟視朝三日辛酉司空致仕盧文紀卒五月壬戌朔帝不視朝以漢隱帝梓宮在殯故也戊寅皇子澧州節度使榮起復依前澧州節

水樂齋卷八十九百八

十五

度使以故貴妃張氏去歲薨至是發哀故也已巳遣左金吾衛將軍姚漢英前右神武將軍華光齋使于契丹辛未太常卿邊尉上追尊四廟謚議是夜有大星如五升器流於東北有聲如雷丙子太常卿邊尉上太廟四室奠獻舞名丁丑詔京兆鳳翔府應諸色犯事人第宅庄園店肆已經籍沒者並給付罪人骨肉壬午辛南莊甲申考成縣巡檢供奉官馬彥勳棄市坐匿故書殺獄囚也丙戌宰臣馮道為四廟冊禮使六月辛卯朔不視朝以漢隱帝梓宮在殯故也甲午百寮上表請以七月二十八日皇帝降聖日為永壽節從之邢州大雨霖已亥太常少卿劉悅上漢少帝謚曰隱皇帝陵曰頽陵從之辛亥以樞密使王峻為尚書左僕射兼門下侍郎同平章事監脩國史充樞密使以樞密副使尚書兵部侍郎范質為中書侍郎同平章事充集賢殿大學士以戶部侍郎判三司事穀為中書侍郎同平章事判三司司徒兼侍中監脩國史實貞固司空兼中書侍郎同平章事集賢殿大學士蘇禹珪並罷相守本官壬子辛丙在癸丑詔宰臣范質叅知樞密院事郭都沼滄具等州大雨霖丙辰西京奏新授宗正卿郭令圖卒丁巳以尚書左丞顏衎為兵部侍郎充端明殿學士以宣徽北院使崔光鄭兼樞密副使秋七月辛酉朔帝被宸冕御崇元殿授太廟四室寶

永樂大典

卷八九八〇

册于中書令馮道等赴西京行禮發灰尚書左丞田敏兼判國子監事戊辰以御史中丞于德辰為尚書右丞以秘書監邊光範為太子賓客以戶部尚書張昭為太子賓客以其子素為陽翟簿犯法抵罪昭請開待罪詔釋之乃左授此官壬申史官賈緯等以所撰晉高祖實錄三十卷少帝實錄二十卷上之丙子幸宰臣王峻第已丑鎮州奏破河東賊軍於平山縣西斬首五百級是日太常卿遼蔚奏議改郊廟舞名事具樂志八月辛卯漢隱帝梓宮發引帝詣太平宮臨奠詔群臣出祖於西郊是歲幽州賊流人散入滄州界詔流人至者口給料粟仍給無主土田命取使種時赦免差稅癸巳虎入西京僧行寺傷人市民殺之乙未幸班荆館壬寅契丹遣幽州牙將曹繼筠來歸故晉中書令趙瑩之喪詔贈太傅仍賜其子續五百疋以備喪事歸葬於華陰故里乙巳幸西庄壬子晉州王晏移鎮徐州滄州王景移鎮河中定州孫方簡移鎮華永興郭從義移鎮許州貝州王繼弘移鎮河陽李暉移鎮滄州以許州節度使武行德為西京留守滑州折從阮移鎮陝州河中危彥珂移鎮滑州陝州李洪信移鎮永興華州王統移鎮貝州徐州王彥超移鎮晉州丙辰尚食李氏等官八人並封縣君司記劉氏等六人並封郡夫人尚宮皇甫氏等三人並封國夫人唐制

永樂大典卷八九八〇

十六

有內官官各有司存更不加郡國之號近代加之非舊典也以易州刺史孫行支為定州留後戊午故夫人杜氏追立為皇后仍令所司定謚備禮册命九月庚申朔帝詣太平宮起居漢太后辛酉故夫人楊氏追贈淑妃仍令所司擇日備禮册命故皇第五女追封永寧公主癸亥定州奏契丹永康王兀欲為部下所殺甲子以前權州團練使武廷翰太子少保致仕丙子諸道兵馬都元帥兩浙節度使檢校太師尚書令中書令吳越國王錢俶可天下兵馬都元帥丁丑中書舍人劉濟責授少府少監分司西京坐遣男頊代革判詞也監察御史劉頊責授復州司戶坐代父革判也中書舍人楊昭儉解官致逐私便以多在假告不親其職也廣順元年冬十月己丑朔宰臣王峻獻唐張猛古大寶箴謝悛惟皇誠德賦二圖詔報曰朕生長軍戎勤勞南北雖用心於鈐璽且無暇於詩書世務時艱粗嘗經歷前言往行未甚討尋卿有佐命立國之勳居代天調鼎之任恒慮妙德未及古人於是採摭歲規樹諧案味披文闡理擇意怡神究為若治國之源審修已御人之要帝王之道盡在于茲辭餘俱高珠寶何貴再三省覽深用愧嘉其所進圖已令於行坐處張懸所冀出入看讀用為鑒戒壬辰幽州奏巡檢使陳思讓監軍向訓破河東賊軍於統亭癸巳以刑部

侍郎司徒調為戶部侍郎以左散騎常侍張煦為刑部侍郎以給事中呂威休為左散騎常侍甲午絳州防禦使孫漢英卒年五十四南秦湖南亂大將軍陸孟俊執偽節度使馬希範遣於衡州立希範弟希崇為留後將吏二千餘人遇害者半希崇庫藏焚燒人殆盡乙巳詔併吏部三銓為一銓委本司長官通判丙午晉州巡檢王萬敢奏河東劉崇入寇營於州北辛亥潞州秦河東賊軍寇境乙卯荆南秦淮南道鄂州節度使劉仁贍以戰船二百艘於今月二十五日入岳州丙辰詔樞密使王峻率兵援晉州丁巳以左衛將軍中師厚為河西軍節度使檢校太保師厚素與王峻善及峻貴師厚窮旅無依日於峻馬前望塵而拜會西涼請帥帝令擇之無欲去者峻乃以師厚奏之師厚亦欣然求往尋自前鎮將授左衛將軍檢校工部尚書翌日乃有涼州之命賜旌節馳馬贈帛以遣之十一月己未朔荆南秦淮南大將邊鑑率兵三萬自袁州路趨潭州馬希崇遣從事送牌印納器仗鎬入城稱武安軍節度使馬氏諸族及將吏千餘人皆從于金陵甲子夜東南白虹亘天以新晉州節度使王彥超為晉絳行營馬軍都虞候乙丑命王峻出征晉州帝幸西庄以餞之甲戌日南至群臣拜表稱賀甲申葬故貴妃張氏丁亥詔唐朝五廟舊在至德宮安置應屬徽陵庄

永樂集卷八十九百八十八

田園舍宜令新除右監門將軍李重玉為主其緣陵塚廟法物除合留外所有金銀器物充遷葬故淑妃王氏及許王從益外其餘並給與重玉及尼惠英惠燈惠能惠嚴等今重玉以時祀陵廟務在豐潔重玉故皇城使李從琛之子明宗之孫惠英等亦明宗親屬也故帝授重玉官秩令主先祀卹王者之後也十二月戊子朔詔以劉崇入寇取當月三日督幸西京庚寅詔巡幸宜停時王峻駐軍陝府聞帝西巡遣使馳奏不勞車駕順動帝乃止乙未幸西庄兗州慕容彥超上言乞朝覲詔允之尋稱部內草寇起不敢離鎮戊申鄂州慕容彥超據城反己酉王峻奏劉崇逃遁王師已入晉州廣順二年春正月戊午朔不受朝賀以宿兵在外故也庚申王峻奏起近鎮丁夫二萬城晉州壬戌脩東京羅城凡役丁夫五萬五千兩旬而罷甲子以待衛步軍都指揮使曹英為兗州行營都部署以齊州防禦使史延禧為副部署以皇城使向訓為兵馬都監陳州防禦使蔣元福為馬步都虞候率兵討慕容彥超諸軍入兗州界不得下路停止村舍犯者以軍法從事丙申徐州巡檢供給官張令彬奏破淮賊於沐陽斬首千餘級擒賊將燕敬權時慕容彥超求援於淮南淮南偽主李景隆兵援之師於下邳聞官軍至退趨沐陽遂破之庚午高廉權知國事王昭遣使貢

方物壬申鎮州何福進差人部送先擒獲到河東賊軍二百餘人至闕下。詔給中履衫袴以釋之。戊寅徐州部送沐陽所獲賊將燕敬權等四人至闕下。詔賜衣服金帛放歸本土。敬權等感泣謝罪。帝召見謂之曰：夫惡先邪，樊忠順天下一也。我之賊臣，抗亂國法，嬰城作逆，埃及生靈，不意吳人助，凶惡非良算也。爾歸當言之於爾君，初漢末遣三司軍將路昌祚於湖南市茶，屬淮南將邊錫陷長沙，昌祚被賊送金陵，及敬權自大朝歸，具以帝言告于李景景，乃召昌祚，延坐從容，久之，且稱美大朝皇帝聖德，廣被恩沾，鄰土深有所依，附國家之意，及薛道偽宰相宋齊丘、安昌祚於別館。又令訪昌祚在湖南遭變之時，亡失綱運之數，命依數償之。給若蒜萬八千斤，遣水運至江夏，仍厚給行裝，遣之歸闕。二月庚寅，府州防禦使折德，承秦河東賊軍寇境，率州兵破之，斬首二千級。辛卯，太白經天，癸巳，以權知高麗國事。王昭為高麗國王，庚子，府州防禦使折德奏，收河東界奇嵐軍，癸巳，詔先獲河東御軍一百餘人，各給錢鞋放歸鄉里。壬寅，太子太師致仕安審暉卒。三月庚申，幸南庄，今從臣習射。戊辰，以樞密院直學士左諫議大夫王洙為中書舍人，充翰林學士。以內客省使惠州團練使鄭仁誨為樞密副使，詔宣徽北院使翟光，郭權知承興軍府事。甲戌，迴鶻遣

使貢方物。庚辰，詔西京庄宅司內侍省宮苑司內園等四司所管諸營係稅戶二千五百，並還府縣，其廣德昇平二宮並停廢，應行從諸庄園林亭殿房舍什物課利，宜令逐司依舊收管。夏四月丙戌朔，日有食之，帝避正殿。百官守司。丁亥，詔停蔡州鄉軍。戊子，以京師早，分命群臣禱雨。庚巳，制削奪慕容彥超在身官爵。甲午，高麗國冊使衛尉卿劉暉卒。乙卯，詔取未月五日車駕赴兗州城下，慰勞將士。以樞密副使鄭仁誨為右衛大將軍，依前充職，兼權大內都點檢。以中書侍郎平章事判三司李穀為權東京留守。兼判開封府事。五月丙辰朔，帝御崇元殿受朝仗，衛如儀。庚申，車駕發京師，戊辰至兗州城下。乙亥，收復兗州。新慕容彥超夷其族，詔端明殿學士顏衍權知兗州軍州事。壬午，曲赦兗州管內罪人。取五月二十七日巳前所犯罪大辟已下，咸赦除之。慕容彥超徒黨有逃避潛竄者，及城內將吏等，並放罪。自慕容彥超違背以來，鄉川內有接使為非者，一切不問。諸軍將士沒於王事者，各與時贈都頭。巳上與贈官兗州城內及官軍下寨四面去州五里內，今年所徵夏秋及訟徵錢物，並放十里內，只放夏稅一州管界。今夏苗子三分放一分，城內百姓遭毀拆舍屋及遭燒焚者，給賜材木，諸處差到人夫，內有遺矢石死者，各給絹三匹，仍放戶下三年徭。

使云癸未詔兗州降為防禦州仍為望州六月乙酉朔帝幸曲阜謁孔子祠既奠將致拜左右曰仲尼人臣也無致拜帝曰文宣王百代帝王師也得無敬乎即拜奠於祠前其所奠酒器銀鍤並留於祠所遂幸孔林拜孔子墓帝謂近臣曰仲尼亞聖之後今有何人對曰前曲阜令龔文宣公孔仁玉是仲尼四十三代孫有鄉貢三禮顏涉是顏淵之後即召見仁玉賜緋口授曲阜令顏涉授主簿使令視事仍勅兗州修葺孔子祠宇墓側禁樵採丙戌車駕還京初帝以五月十三日至兗州賊尚拒守至十七日晝夢道士一人進書卷首云車駕來月二日還京其下文字絕多不能盡記既寤以夢告宰臣又四日而城拔帝至軍凡駐蹕九日而賊平果以六月二日發離城下近代親征竟捷無如此行之速也是日大雨城下行宮水深數尺其日晚至中都縣帝笑謂侍臣曰今日若不離城下則當為水潦所溺矣戊戌車駕至自兗州辛丑以靈武節度使馮輝卒輟視朝一日壬寅前翰林學士李幹自契丹中上表陳奏機事且言偽幽州節度使蕭海貞欲謀嚮化帝甚嘉之癸卯德妃董氏薨乙巳詔宣徽南院使袁義判開封府事辛亥以朔方軍衙內都虞候馮繼業復起為朔方軍兵馬留後甲寅幸舊宅為德妃舉哀故也秋七月丙辰詔內外臣寮每遇永壽節舊

設齋供。今後中書門下與文武百寮共設一齋侍衛親軍都指揮使已下共設一齋樞密使內諸司使已下共設一齋其餘前任職負及諸司職掌更不得開置道場及設齋是日大風雨破屋拔樹尚書省都堂有龍穿屋壞獸角而去西壁有爪迹存焉襄州大水丁卯詔復升陳州曹州為節鎮以侍衛馬軍都指揮使洋州節度使郭崇為陳州節度使以侍衛步軍都指揮使曹英為曹州節度使並典軍如故以陳州防禦使孫元福為晉州節度使辛未詔相州節度使李筠權知潞州軍州事丙子以小底都指揮使漢州刺史李重進為大內都點檢兼馬步都軍頭領恩州團練使以內殿直都知駙馬都尉張承德領和州刺史充小底第一軍都指揮使八月甲申朔翰林學士刑部尚書張沆落職守本官以中書舍人史館脩撰判館事徐台符為禮部尚書充翰林學士承旨以兵部侍郎韋勣為尚書右丞以尚書右丞于德辰為吏部侍郎以戶部侍郎邊歸讓為兵部侍郎以禮部侍郎趙上父為戶部侍郎以樞密直學士左散騎常侍陳觀為工部侍郎依前充職以刑部侍郎景範為左司郎中充樞密直學士乙酉樞密使王峻上章請解樞密凡三上章詔不允庚寅朔州奏充於淮南俘獲孛菑已准詔送還本土甲午詔止絕吏民詣闕舉請刺史縣令賜宰臣李穀

永樂大典

卷八九八〇

白藤肩輿時以今年七月因步履傷臂請告數旬詔發扶持就三司刻名印署事仍放朝參庚子潞州節度使常思移鎮宋州湖州節度使李筠移鎮潞州壬寅鄆州節度使高行周薨癸丑詔改鹽鐵法鹽過犯五斤已上處死煎醢鹽者犯一斤已上處死先是漢法不計斤兩多少並處極刑至是始革之九月庚午以大理卿劇可久為太僕卿以左庶子張仁琮為大理卿以司天監趙延又為太府卿兼判司天監事詔北而沁州鎮自守墻場不得入北界俘掠乙亥鎮州奏契丹寇深冀州遣龍捷都指揮使劉誨牙內都指揮使何繼筠等率兵拒之而退時契丹聞官軍至掠冀部丁壯數百隨行狼狽而北冀部被虜者望見官軍號謀不已官軍不敢進其丁壯盡為蕃軍所殺而去丁丑以鄆州防禦使白重贊為相州留後戊寅樂壽都監杜延熙奏於瀛州南殺收契丹斬首三百級獲馬四十七匹癸未帝姨母韓氏追封楚國夫人故弟四嫂追封福慶長公主癸未易州奏契丹武州刺史石越來奔冬十月丙戌以前晉州節度使王彥超為河陽節度使庚寅詔諸州罷任或朝覲並不得以器械進貢先是諸道州府各有作院每月謀造軍器逐季般送京師進納其逐州每年占留係省錢帛不少謂之甲料仍更於部內廣配土產物致致倍入其苦之奉上供軍

永樂大典卷八九百八十

十

器外節度使刺史又私造器甲以進貢為名功費又倍悉取之於民帝以諸州器甲造作不精兼占留屬省物用過當乃令罷之仍選擇諸道作工赴京作防以備使使乙未永興軍奏宣徽北院使知軍府事翟光業卒丁酉葬德妃廢朝戊戌以宣徽南院使袁義權知永興軍府事以樞密直學士工部侍郎陳觀權知開封府事己亥升輝州鉅野縣為濟州以樞密院副使鄭仁誨為宣徽北院使兼樞密副使庚子李樞密院王峻請之也甲辰宰臣李穀以臂傷未指上章辭位凡三上章詔報不允丁未滄州奏自十月已前蕃界歸漢戶萬九千八百戶是時虜境饑饉人民轉徙樵負而歸中土者散居河北州縣凡數十萬口十一月丙辰荆南秦朗州大將劉言以今年十月三日領兵趨長沙十五日至潭州淮南所署湖南節度使邊鎬在州刺史宋德權並棄城遁去庚申以前少府監馬從斌為殿中監壬戌樞密使王峻亡妻崔氏追封趙國夫人非故事也乙丑刑部尚書張沆卒辛未陝州折從阮移鎮鄆州以前宋州節度使李洪義為安州節度使癸酉清州符彥卿移鎮鄆州甲戌詔曰累朝已來用兵不息至於繕治甲冑未克配使生靈多取于民助成軍器就中皮革尤峻科刑稍犯嚴條皆抵極典卿縣以之生事姦猾得以侵漁宜立所規用革前弊應天下所

納牛皮今將逐所納數三分內減二分其一於人戶苗畝上配定每秋夏苗共十頃納連角皮一張其黃牛納乾筋四兩水牛半斤犢子皮不在納限牛馬驢騾皮筋角今後官中更不禁斷只不得將出化外敵境州縣先置巡檢牛皮節級並停丙子詔曰應內外文武官察舉職州縣官舉選人等今後有父母祖父母亡歿未經遷葬者其主家之長不得執求仕進所由司亦不得申舉解送如是卑幼在下者不在此限己卯日南壽帝御崇元殿受朝賀使衛如儀十二月丙戌權武平軍留後劉言遣牙將張崇嗣入奏於十月十三日與節度副使王進達行軍司馬何敬貞指揮使周行達等同共部領戰棹攻收湖南偽節度使邊錫當夜出奔王進達等已入潭州癸巳太子太師致仕安叔干卒甲午詔今後諸侯入朝不得進奉賀宴丁酉皇子澧州節度使榮落起復如同平章事戊戌太子少傅致仕王延年壬寅辛酉庄乙巳以端明殿學士顏衎權知開封府事御史臺奏請改左右衛復為左右屯衛從之避御名也是冬無雪廣順三年春正月壬子朔帝御崇元殿受朝賀仗衛如儀辛大平宮起居漢太后甲寅賜群臣射於內鞠場乙卯武平軍兵馬留後劉言奏潭州兵戈之後焚燒殆盡乞移使府於武陵從之詔升朗州為大都督府在潭州之上丙辰以武

水樂集卷八千九百八

下

平軍節度使留後檢校太尉劉言為檢校太師同平章事行朗州大都督充武平軍節度兼三司水陸轉運等使制置武安靜江等軍事進封彭城郡公武平軍節度副使權知潭州軍州事檢校太傅王進達為檢校太尉行潭州刺史充武安軍節度使以武安軍行軍司馬兼銜內步軍都指揮使檢校太傅何敬貞為檢校太尉行桂州刺史充靜江軍節度使以張傲領眉州刺史充武平軍節度副使以朱元瑋領黃州刺史充靜江軍節度副使以周行達領集州刺史充武安軍節度行軍司馬自進達而下皆劉言將校也邠州奏慶州畧蕃部野鷄族等商旅侵擾州界詔遣寧州刺史張建武等率兵掩襲仍先賜勅書安撫如不從命即進軍問罪辛酉詔賜朗州劉言應兩京及諸道舊屬湖南樓店邸第乙丑詔諸道州府係屬戶部營田及租稅課利等除京兆府庄宅務贖國軍權鹽務兩京行從庄外其餘並割屬州縣所徵租稅課利官中只管舊額其職自節級一切停廢應有客戶元佃係省庄田桑土舍宇使賜逐戶充為水業仍仰縣司給與憑由應諸處元屬營田戶部院及係縣人戶所納租中課利起今年後並與除放所有見牛犢並賜本戶官中永不收係云帝在民間素知營田之弊至是以天下係官庄田僅萬計悉以分賜見佃戶充水業是歲出戶

三萬餘百姓既得為己業比戶欣然於是普置植樹散致功力又東南郡邑各有租牛課戶往因梁太祖渡淮軍士掠民牛以千萬計梁太祖盡給與諸州民輸租課自是六十餘載時移代改牛租猶在百姓苦之至時持典除放未幾京兆府庄宅務及權監務亦歸州縣依例處分或有上言以天下係官庄田甚有可惜者若遺貨之當得三十萬緡亦可資國用帝曰苟利於民與資國何異丁卯戶部侍郎權知貢舉趙上交奏諸科舉人欲等第各加對義場數進士除詩賦外別試雜文一場從之兩浙吊祭使左諫議大夫李知損奏授州司馬負外置仍今所在馳騁放遺知損銜命江浙所經藩郡皆強貸於侯伯為青州知州張凝所奏故有是命己巳幸南庄臨水亭見雙鳧戲於池上帝引弓射之一發疊貫從臣稱賀庚午以前郟州節度使侯章為鄆州節度使前萊州刺史葉仁魯賜死坐為民所訟故也辛未詔樞密使王峻巡視河堤峻請行故從之辛巳幸南庄閏月甲申朗州劉言潭州王進達篡廣賊占據桂管深入永州界俘劫道朗州行軍司馬何致真與指揮使朱全琇陳順等率水陸軍五萬進擊丙戌迴鶻遣使貢方物詔故梁租庸使趙嚴姪崇勳見居陳州量賜係官店宅從王峻之請也辛卯定州奏契丹攻我豐軍出勁兵夜斫蕃營斬首六十級

契丹遁去甲午鎮州奏契丹寇境遣兵追襲至無極而還丙申皇子澶州節度使榮來朝壬寅以樞密使尚書左僕射同平章事監修國史王峻兼青州節度使餘如故延州牙內指揮使高紹基父允權忠脚膝今臣權知軍州事癸卯陳州奏吏民請與前刺史李毅立祠堂從之時毅為宰相聞郡人陳請遽讓數四乃止甲辰鄆都留守王晟加檢校太尉依前同平章事丙午鎮州節度使何福進河陽節度使王彥超並加檢校太尉潞州節度使李筠加檢校太傅丁未延州節度使高允權卒己酉開封府奏都城內錄到無名額僧尼寺院五十八所詔廢之二月辛亥朔以前西京留守白文珂為太子太師致仕進封韓國公癸丑安州節度使李洪義侍衛馬軍都指揮使郭崇侍衛步軍都指揮使曹英並加檢校太尉唐州方城縣令陳守愚兼市坐剋留戶民籍鹽一千五百斤入己也丙申國寶兩坐詔中書令馮道書寶文其一以皇帝承天受命之寶為文其一以皇帝神寶為文按傳國寶始自秦始皇始皇令李斯篆之歷代傳授事具前史至唐末帝自燔之際以寶隨身遂供焚焉晉高祖受命持製寶一坐開運末北戎犯關少帝遣其子延煦送于戎王戎王謂其非真少帝上表具訴其事及戎王北歸寶以入蕃漢朝二帝未暇別製至是始創為之庚申遣將作監李

項知陝州軍州事甲子樞密使平盧軍節度使尚書左僕射平章事監脩
國史王峻責授高州司馬負外置所在馳騁發遣戊辰左監門上將軍李
建宗卒延州牙內都指揮使高紹基奏交割軍府與副使張圖己巳朗州
劉言奉當道先遣行軍司馬何敢真率兵掩擊廣賊行及潭州部衆奔潰
湖南王進達以敬真夫律已梟首訖以樞密直學士工部侍郎陳觀為祕
書監壬申鳳翔少尹桑維翰授鄧州長史能昔相維翰之庶弟也坐慙維
翰別弟為人所訟故也癸酉以戶部侍郎知貢舉趙上交為太子詹事是
歲新進士中有手觀者不當策名物議譴然中書門下以觀所試詩賦夫
韻勾落姓名故上交移官丁丑幸南庄賜從官射命客省使向訓權知延
州軍州事 廣順三年春三月庚辰朔以相州留後白重贊為滑州節度
使以鄭州防禦使王進為相州節度使以前兗州防禦使索萬進為延州
節度使以亳州防禦使張鐸為同州節度使甲中以皇子澶州節度使禁
為開封尹兼功德使封晉王仍令所司擇日備禮冊命丙戌以宣徽北院
使兼樞密副使鄭仁海為澶州節度使以殿前都指揮使李重進領泗州
防禦使以客省使向訓為內客省使己丑以心州團練使王仁錫為右衛
大將軍充宣徽北院使兼樞密副使庚寅端明殿學士尚書兵部侍郎顏

水樂集卷九百十

三五

衍落職守本官以翰林學士中書舍人王溥為戶部侍郎充職以左司郎
中充樞密直學士景範為左諫議大夫充職祕書監陳觀責授左贊善大
夫留司西京坐王峻黨也癸巳大風雨土戊申幸南庄夏四月甲寅禁沿
邊民鬻兵仗與蕃人戊辰河中節度使王景移領鳳翔宋州節度使常思
進移鎮青州鳳翔節度使趙暉移鎮宋州河陽節度使王彥超移鎮河中
賜朗州劉言絹三百匹以兵革之後匱乏之故也詔在京諸軍將士持丈救
接五月己卯朔帝御崇元殿受朝仗衛如儀辛巳前慶州刺史郭彥欽勒
歸私第國初以彥欽再判慶州兼掌權鹽彥欽擅加權錢民夷流怨州北
十五里寨婦山有蕃部曰野鷄族彥欽作法擾之蕃情曠悍好為不法彥
欽乃奏野鷄族掠奪稠密遣使責詔撫諭望其率化蕃人既苦彥欽食
政不時報命朝廷乃詔邠州節度使折從阮軍州刺史張建武遣兵攻之
建武勇於立功徑取野鷄族斃殺數百人又殺牛於族素與野鷄族有憾
且聞官軍討伐相聚餉饋欣然迎奉官軍利其財貨孳畜遂劫奪之翻為
族所誘至包山負險之地官軍不利為蕃人迫逐投崖墜澗而死者數百
人從阮等以兵自保不相救應帝怒彥欽及建武俱罷其任及彥欽至京
師故有走命丁亥新授青州節度使常思遠在宋州日出放得絲四萬一

永樂大典

卷八九八〇

十四百兩請徵入官詔宋州給還人戶契券其錄不徵甲午中書侍郎同平章事集賢殿大學士權判門下省事范質可權監脩國史六月壬子滄州奏契丹幽州權鹽制置使兼防州刺史知蘆臺軍事張獻美以本軍兵士及職貢戶人等畜七千頭口歸化營女以前開封尹楚國公侯益為太子太師以前西京留守呂國公王守恩為左衛上將軍以前永興軍節度使李洪信為左武衛上將軍甲寅以左衛上將軍宋彥筠為太子少師以太子少師楊凝式為尚書右僕射致仕癸亥前河陽節度使王繼弘卒己巳太子太傅李懷忠卒是月河南河北諸州大水霖雨不止川陂漲溢襄州漢水溢入城深一丈五尺居民皆棄家登樹群鳥集潞州河南無鳥秋七月戊寅朔徐州言龍出豐縣村民井中即時澍雨深沒城邑癸未太子賓客馬裔孫卒甲申鄆都王殷奏乞朝覲凡三章允之尋以左邊奏契丹事機詔止其行丙戌以左金吾上將軍安審信為太子太師致仕丁亥以右金吾上將軍張從恩為左金吾上將軍以前鄆州節度使張彥成為右金吾上將軍己丑以虎捷左廂都指揮使永州防禦使韓道為陝州留後庚寅太府卿判司天監趙延乂卒辛卯以前西京副留守盧價為太子賓客乙未以御史中丞邊光範為禮部侍郎以刑部侍郎張煦為御史中丞

永樂大典卷八千九百八

十四

以翰林學士承旨尚書禮部侍郎徐台符為刑部侍郎充職丙申太子太師致仕安審信卒丁酉詔曰京兆鳳翔府同華郿延鄜耀等州所管州縣軍鎮頃因唐末藩鎮殊風火歷歲時未能釐革政途不一何以教民其婚田爭訟賦稅丁徭合是令佐之職其擒姦捕盜庇護部民合是軍鎮警察之職今後各守職分專切提撕如所職疎遺各行按責其州府不得差監微軍將下縣戍成衛尉少卿李溫美責授房州司戶參軍溫美奉使祭海使道歸家家在壽光縣與縣吏馮勳所訟故熟之供奉官武懷贊乘市坐盜馬價入己也壬寅以鴻臚少卿趙脩己為司天監八月己酉幸南庄丙辰丙衣庫使齊藏珍除名祀沙門島藏珍奉詔脩河不於役所部轄私至近縣止宿及報隄防危急安寢不動遂致橫流故有是責庚申邢州節度使劉詞移鎮河陽辛酉以龍捷左廂都指揮使閻州防禦使田景成為邢州留後丁卯河決陰河京師霖雨不止給賜諸軍將士薪芻有差癸酉以翰林學士戶部侍郎王洵為端明殿學士甲戌漳州王逵奏明州劉言與淮賊通連差指揮使鄭玟部領兵士欲併當道鄭玟為軍眾所執奔入武陵劉言尋為諸軍所廢臣已至朗州安撫訖詔劉言勅歸私第妻王達取便安置是月所在州郡暴霖雨連綿漂沫田稼損壞城郭廬舍九月己卯

太子少保盧損卒丁酉深州上言樂壽縣兵馬都監杜延熙為戍兵所害
 先是齊州保寧郡兵士也於樂壽都頭劉彥章等殺延熙為亂時鄆州開
 道指揮使張萬友亦屯於樂壽然不與之同朝廷急遣供奉官馬諤省其
 事諤乃與萬友擒彥章等十三人斬之餘衆奔齊州是月多陰暄木再華
 冬十月戊申朔詔以未年正月一日有事於南郊諸道州府不得以進奉
 南郊為名輒有率欲已酉右金吾上將軍張彥成卒庚戌以前同州節度
 使薛懷讓為左屯衛上將軍以尚書左丞兼判園子監田敏權判太常卿
 以禮部尚書王易權兵部尚書太常奏郊廟社稷壇位制度請下所司脩
 奉從之以中書令馮道為南郊大禮使以開封尹晉王榮為頓遞使權兵
 部尚書王易為鹵簿使御史中丞張駿為儀仗使權判太常卿田敏為禮
 儀使以前潁州防禦使郭瓊為權宗正卿甲寅以前光祿卿丁知浚復為
 光祿卿丙辰幸南庄西庄己未前寧州刺史張建武賁後右司禦副率以
 野鷄族失利故也以前翰林學士工部侍郎魚崇諒為禮部侍郎充翰林
 學士時崇諒解職於陝州就養至是再除崇諒仍賜詔召之今本州給行
 裝鞍馬侍親歸朝以太子賓客張昭為戶部尚書以太子賓客李濤為刑
 部尚書詔中書令馮道赴西京迎奉太廟神主甲子中書令馮道率百官

永樂太極卷八十九百八十

上尊號曰聖明文武仁德皇帝恭詔不允凡三上章允之仍俟郊禮畢施
 行壬申鄆郡邪詔等州皆尚言地震鄆郡尤甚十一月辛巳廢共城稻田
 務任人佃時乙酉日南至帝不受朝賀庚寅鎮州節度使何福進奏乞朝
 覲三奏允之詔侍衛步軍都指揮使曹美權知鎮州軍府事癸巳以將作
 監李瓊為濟州刺史壬寅詔重定天下縣邑除畿赤外其餘三千戶已上
 為望縣二千戶已上為繁縣一千戶已上為上縣五百戶已上為中縣不
 滿五百戶為中下縣十二月戊申雨水是日四廟神主至西郊帝郊迎
 奠饗奉神主人于太廟設奠安神而退壬子前單州刺史趙鳳賜死坐為
 民所訟故也甲寅詔諸道州府縣鎮城內人戶舊請蠶鹽徵價起今後並
 停甲子鎮州節度使何福進奏朝乙丑鄆郡留守王殷奏朝丙寅禮儀使
 奏皇帝郊廟行事請以晉王榮為亞獻通攝終獻行事從之己巳左補闕
 王仲倬任坐檢由於亳州虛憑紐配故也辛未鄆郡留守侍衛親軍都指
 揮使王殷劄奪在身官爵長流登州尋賜死於北郊其家人骨肉並不問
 罪癸酉帝宿齋於崇元殿為未年正月一日親祀南郊也時帝已不豫甲
 戌宿于太廟乙亥質明帝親饗太廟自齋宮乘步輦至廟庭被袞冕令近
 臣其侍陞階止及一室行禮俛首而退餘命晉王榮有司終其禮是日申

駕赴郊宮顯德元年春正月丙子朔帝親祀園丘禮畢詣郊宮受賀車駕
還宮御明德樓宣制大赦天下改廣順四年為顯德元年自正月一日昧
爽已前應犯罪人常赦所不原者咸赦除之內外將士各賜優給文武職
官並與加恩內外命婦並與進封寺監攝官七周年已上者同明經出身
今後諸寺監不得以白身署攝昇朝官兩任已上著緣十五周年與賜緋
著緋十五年與賜紫州縣官曾經五度參選者雖未及十六考與授朝散
大夫階年七十已上授優散官賜緋應奉郊廟職掌人負並與恩澤今後
不得以梁朝及清泰朝為偽朝偽主天下帝王陵廟及名臣墳墓無後官
為檢校云宣赦畢帝御崇元殿受冊尊號禮畢群臣稱賀時帝郊祀御樓
受冊有司多略其禮以帝不豫故也先是占有者言鎮星在丑房乃鄭宋
之分當京師之地兼立宿主帝王露寢若散財以致福運幸以避災庶幾
何以驅攘矣帝以遷幸煩費不可輕議散財可矣故有郊禮之命洎歲暮
帝疾增劇郊廟之禮蓋勉而行之耳戊寅詔廢鄴都依舊為天雄軍大名
府在東北府之下庚辰制皇子開封尹晉王榮可開封儀同三司檢校太
尉兼侍中行開封尹功德使判內外兵馬事襄州安審琦進封陳王鄆州
符彥卿進封衛王移鎮天雄軍荆南高保融進封南平王夏州李彝興進

永樂大典卷八千九百八十

封西平王甲申宋州趙輝進封韓國公青州常思進封萊國公徐州王晏
進封滕國公鄆州侯章進封中國公西京武行德進封魏國公許州郭從
義加檢校太師鳳翔王景進封襄國公華州孫方諫進封蕭國公自趙輝
已下並加開府儀同三司乙酉分命朝臣往諸州開倉減價出糶以濟饑
民詔潭州依舊為大都督府在朗州桂州之上丙戌以澶州節度使鄭仁
誨為樞密使加同平章事鄆州楊信加開府儀同三司進封杞國公鄆州
折從阮加開府儀同三司改封鄆國公澶州李暉加檢校太尉安州李洪
義加檢校太師貝州王饒加檢校太尉以陳州節度使兼侍衛馬軍都指
揮使郭崇為澶州節度使加同平章事以曹州節度使兼侍衛步軍都指
揮使曹美為鎮州節度使加同平章事漳州王遠加特進兼侍中河陽劉
詞加檢校太尉河中王彥超加同平章事以鎮州節度使何福進為鄆州
節度使加同平章事潞州李筠加同平章事戊子晉州藥元福滑州白重
贊相州王進同州張鐸並加檢校太傅以延州節度使索萬進為曹州節
度使加檢校太傅定州留後孫行友邢州留後田景威陝州留後韓通靈
武留後馮繼業並正授節度使庚寅夜東北有大星墜其聲如雷壬辰宰
臣馮道加守太師范質加尚書左僕射監脩國史李穀加右僕射集賢殿

永樂大典

大學士以端明啟學士尚書戶部侍郎王溥為中書侍郎平章事司徒實
自國遣封濟國公司空蘇高桂遣封莒國公並加開府儀同三司以南院
宣徽使知水興軍府事袁嘏為延州節度使以宣徽北院使兼樞密副使
王仁錫為水興軍節度使以前安州節度使王令溫為陳州節度使以殿
前都指揮使泗州防禦使李重進為武信軍節度使檢校太保典軍如故
以龍捷左廂都指揮使睦州防禦使樊愛能為侍衛馬軍都指揮使洋州
節度使加檢校太保以虎捷左廂都指揮使果州防禦使何徽為侍衛步
軍都指揮使利州節度使加檢校太保以樞密承旨魏仁浦為樞密副使
是日己時帝崩於滋德殿聖壽五十一秘不發喪乙未遷神柩於萬歲殿
召文武百官班於殿庭宣遺制晉王榮可於柩前即皇帝位服紀月日一
如舊制云是歲自正月朔日後景色昏晦日月多暈及嗣君即位之日天
氣晴朗中外肅然帝自郊種後其疾乍瘳乍劇晉王省侍不離左右累諭
晉王曰我若不起此疾汝即疾速山陵不得久留殿內陵所務從儉素應
緣山陵役力人區並須和顏不計近遠不得差配百姓陵寢不須用石柱
費人功只以磚代之用瓦棺紙衣臨人陵之時召近稅戶三十家為陵戶
下事前揭開瓦棺過視過陵內切不得傷他人命勿備下官不要守陵官

永樂大典卷八千九百十

二十七

人亦不得用石人石獸只立一石記于錫字云大周天子臨晏駕留言與
嗣帝祿平生好儉素只令著瓦棺紙衣葬若違此言陰靈不相助又言朕
收收河府時是李家十八帝陵園廣費錢物人力並遭開發汝不聞漢文
帝儉素葬在霸陵原至今見在如每半年寒食無事時即仰董事差人灑掃
如無人去只遣破散兼仰於河府魏府各葬一副初甲澶州葬通天冠絳
沙袍東京葬一副平天冠袞龍服千萬十萬莫忘朕言二月甲子太常卿
田敏上尊諡曰聖神恭肅文武孝皇帝廟號太祖四月乙巳葬於高陵宰
臣李穀撰謚冊文王溥撰哀冊文 史臣曰周太祖昔在初潛未聞多譽
泊西平蒲阪北鎮鄴臺有統御之勞顯英偉之量旋屬漢道斯享天命有
歸縱虎旅以遠神京不無懋德攬龍圖而登帝位遂開皇風春月而葵政
皆除逾歲而群情大服何遷善之如是蓋應變以無窮者也所以魯先徒
望風而敗并門迎奠引日偷生及鼎駕之將昇命瓦棺而薄葬勤儉之美
終始可稱雖享國之非長亦開基之有裕矣然而二王之誅議者議其不
能駕馭權豪傷於猜忌卜年斯促抑有由焉五代史補周高祖微其 高
祖之為樞密使也每出常統兵親人而導執若臺省人吏其服色一雜一
殊高祖以為不祥深惡之及河中鳳翔水興等處反詔命高祖征之一舉

永樂大典

卷八九八一

而三鎮無解。自是雖傾天下。論者以為功高不賞。郭氏其危乎。高祖聞而恐懼。居無何。忽親前導者。服色雖者。改紫。綠者改緋。高祖心始安。曰。彼二人者。但具見升。不見其降。吾北也。未幾。遂為三軍所推戴。周高祖征李守貞。高祖征李守貞。軍次河上。高祖慮其爭濟。臨岸而諭之。未及坐。忽有群鴉噪於上。高祖遂十餘步。引兵將射之。天未及發。而岸崩。其繫繫之勢在高祖足下。高祖棄弓。顧群鴉而笑。曰。得非天使汝驚動吾邪。如此。則李守貞不足破矣。於是三軍欣然。各懷開志矣。

永樂大典卷之八千九百八十

永樂大典卷之八千九百八十

天